

Architecta cun dus jobs ed auters fiers en il fiu

Turitg ha pliras «cliccas» rumantschas – tranter auter quella dals Dis da litteratura

DA CLAUDIA CADRUVI / ANR

■ **Ina cittadina surmirana. Anita Simeon è exact quai, era sch'i tuna sco ina cuntradizium.** Sin l'emprima egliada para *Anita Simeon* d'esser in tip total innocent. Cun la segunda egliada fastizeschan ins ch'ella porta chalzers che van en piz davantiers. Quai na sa cumporta betg cun innocenza. E cun la terza egliada scuvieran ins forsa il rir tipic da Simeon. Igl è in rir ironic, dultschin-amar, levet diabolic tar il qual l'architecta retira be ina vart da sia buca. E sch'ins ha vis quest surrir èsi cler ch'ins na dastga mai sutvalitar questa persuna.

Insatge cun bajegiar

Creschida si è ella a Lantsch. Ella è stada



Anita Simeon ha fundà cun collegas da studi in biro d'architectura. Las localitads dal biro sa chattan sisum da questa fabrica veglia.

FOTO. C. CADRUVI

schì dapli libertads. Ma gist pervi da quai manegia Simeon: «Sch'jau fiss ida a l'uni, avess jau anc adina betg finì.»

Ch'ella veglia ina giada «scriver» era gia cler durant il studi. Suentar il diplom è Simeon s'annunziada sco redactura per revistas d'architectura. Tar «Umbauen + Renovieren» hai funcziunà. Uss trais onns pli tard èn Simeon e sia collega las scheffas da la revista che cumpara mintga dus mais.

Daco èn las abitaziuns uschè perfetgas?

Picco bello. Uschia èn tuttas abitaziuns en las revistas d'architectura. Era en «Umbauen + Renovieren» n'èsi betg auter. Vesan questas abitaziuns propi ora uschia? Simeon raquinta da la pratica: «Sch'jau vom cun il fotograf a fotografar in object, cumpr'jau la damaun adina fritgs e flurs.» Cun quai fetschia ella suenter arranschaments sin las maisas u curunas da l'abitaziun che vegn fotografada. Ma avant ch'igl è uschè lunsch, èsi da far urden. «Sin ina fotografia hai svlet memia blers objects.» Da spir mobiglias n'è l'architectura betg pli vesibla. Perquai dostan la redactura ed il fotograf blera rauba ord las chombras.

I po era capitar che Simeon prenda entamaun la lumpa. Gist dacurt en ina villa, hai puspè stuì esser: «Jau hai stuì pulir la cuschina. Sin las fotos vesess ins numnadain mintga sdrima.»

Simeon abitescha simpel

«Jau sun ina intermediatura», di ella da-

greschia las necessitads d'ozendi cun sensibladad.

Sezza abitescha Simeon anc en l'abitaziun da studenta. L'abitaziun è «extrem simpla» e l'entira chasa è «renovada a mort». «Igl è grev da rabagliar ora l'atmosfera sterila», manegia ella. En sasez n'èsi betg tragic: «Jau hai mia abitaziun per dormir, lavar vestgiadira e per telefonar. Ma viver viv'jau en la citad, tar amis, en il kino, en ustarias. Jau sun in freak da restaurants.» Ella gaja gugent a provar ora locals. Dacurt saja ella stada en il «Greulich», in local da la «upper class». Tals locals sajan dentant plitost in'exceptiun per ella.

Cliccas a Turitg

Ses local preferì è il «Sphère». Igl è ina bar, nua ch'i vegn era vendì cudeschs. Là s'inscuntra ella cun la clicca rumantscha. En quest local sajan ils ultims Dis da litteratura da Domat nachids. Insumma. «Ils Dis da litteratura èn in product turitgais.» Els vegnian planisads ed organisads a Turitg, menziunescha Simeon ch'è prest «la veglia» dal comité d'organisaziun.

Turitg porschia en general ina buna qualitad da viver. «La stad èsi sco en il sid. Ins è ordadora, sper il lai e sper la Limmat. L'architecta gauda l'anonimitad da la citad, ma era la famigliarità

da las pitschnas scenas d'art nua ch'ella sa senta da chasa.

GmbH, plastic e rumantsch

E cun quai fissi raquinta pir l'entschatta da la vita da Simeon. Ella ha numnadain anc auters fiers en il fiu. P. ex. il biro d'architectura ch'ella ha fundà cun collegas. I tuna in pau dad aventura, sche Simeon raquinta ch'ella e ses collegas da studi sajan vegnids ensemen per sa participar a concurrenz da bajegiar. La dieschavla concurrenza hajan els gudagnà ed uschia ha la gruppa fundà ina GmbH. Gist dacurt han ils giuvens architects dischlocà il biro en localitads sisum d'ina fabrica. Là han els plaz ed ina bella survista sur ils tetgs da Turitg. Sin ils sims fanestra s'enrischan ils models dals projects ch'èn gist en lavur.

En il biro surpiglia Simeon cunzunt lavurs da publicità. Ma ella siglia era en, sch'i fa prescha da bajegiar models. La giuvna gruppa vul era edir in cudesch davart plastic – «Kunststoff». Là cumenza Simeon proximamain cun retschertgas detagliadas.

E sper tut quai raquinta Simeon anc d'in project rumantsch ch'ella ha sin rucca e che madirescha zic a zic. Ma dapli da quel in'otra giada, cura ch'il model è sin maisa.

chaus
e
muntognas.

l'ultima da tschintg fragliuns ed è «arrivada» cun brav retard, sco ella di sezza: «Perquai sun jau adina stada tranter creschids.» Il bab è lainari. «Da là vegn la motivaziun d'emprender insatge che ha da far cun bajegiar.»

Suentar la matura è Simeon s'inscrita per il studi a la Scola politecnica federala a Turitg. Oz è ella leda ch'ella è ida a la SPF e na a l'università. A l'uni fiss il studi stà main strict ed avess pur-

Curt e bun

Naschida: ils 12 d'avust 1972

Creschida si: a Lantsch

Domicil: Turitg, circol 3

Hobi: leger extrem bler, film e teater

Insatge insupportabel: sport

Spaisa preferida: «Kartoffelschneeballs» da la mamma

Segunda spaisa preferida: frutti di mare

Cudesch impurtant:

«Die Notizen» da Ludwig Hohl

Passiun tut speziala: chalzers cun piz

Opiniuns davart il Grischun e l'architectura

Tge di Anita Simeon tar suandants chavazzins?

200 onns Grischun: Igl è donn ch'ins ha stuì organisar in «Bratwurstfest» a Cazas. Quest public avess ins stuì includer en la festa uffiziala. Bun è ch'il Grischun festivescha era a Turitg.

Surmir: Questa regiun stuess daventar pertscharta da sias competenzas. Uss èsi uschia che mintgin cuschina sia atgna schuppa. Ma sch'il Surmir tegniss ensemen, avess el ina gronda schanza sco regiun turistica e sco regiun d'abitar.

Turitg: La grondezza da la citad è precis dretga. Ella n'è betg gronda, ma tuttina garantescha ella anonimitad. Da l'otra vart datti pitschnas

scenas en las qualas ins è svelto da la partida.

Chicago: Per mai ha questa citad ina gronda fascinaziun architectonica. Ella è survesaivla. En il center stattan las chasas autas. Ordenturn èn las chasas bassas e l'ambient privat. Era sche la citad è gronda èn ins svelto ora en las zonas d'abitar.

Politica da lingua dal Grischun: Il Grischun guarda anc memia pauc sur l'atgna saiv. I stenschent, sch'ins fa adina tut sulet. La trilinguitad fiss en sasez o.k. Ma dasperas datti anc autras factas da plurilinguitad. En Svizra existan era scenas tircas ed orientalas – in bel potpuri da linguas che fiss d'includer dapli.

L'architect Gion A. Caminada: Tenor mai èsi in dals megliers architects insumma. El n'è betg sutta-post a trends. El sa basa sin il lieu e sin las materialias ch'èn avant maun e furma cun quai ina architectura contemporanea.

L'architect Peter Zumthor: El è in architect da la «haute-couture». El prova novas vias e construescha buns bajetgs autonom.

Rumantsch grischun: Igl è la suletta schanza per il rumantsch. Jau mezza scriv be pli rg. Ils pregiudizis, ch'il rg saja insatge ester, èn fallads. Sch'jau, che sun creschida si a Lantsch, scriv rg u surmiran n'emporta nagut. Tuts dus èn linguas standardisadas, ma cun il rg cuntansch jau dapli glied.